



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XVIII.

urn:nbn:de:hbz:466:1-11453

contractis euectionibus poterat exportari: ciues in captiuitatem pertrahuntur. Alij igne urbem concremare, alij templa subuertere, & ornamentis spoliare constituent: Sed meliore consilio ciues dedere obsides: seruataq; est vrbs aduentui regis. Ille rediens, illis collaudatis, victoriā gratificauit, de eo quod fortiter fecerat: ciues restituit, ac multā praeda iussit reuehi: Ea in reliquā vrbe vsus fidiſſima. Parabat interea Philippus secundam in Thuringiam expeditionem: & obſeſſo oppido Switzenſi in vmbilico terrae, Hermannū coarctauit. Ille reſpexit ad Odoacrem regem Bohemia: qui veniens cum copijs in Thuringiam, cū audiret vires Philippi, non ausus conferre manum, de reditu cogitauit. Sermonem contulit cum Ottone de Landesberg marchione, vt eius interuentu in gratiam Philippi rediret: Non abnuī ille: Sed cū in ea expectatione res eſſet, Bohemus ſublatiſ ſignis redijt in terram ſuam. Hermannus relictum ſe cernens à rege foederato, in gratiam Philippi ſe per amicos retulit: veniensq; in conſpectum, ſe proiecit ad pedes, orans. Rex, exprobrata illi perſidia, diū paſſus eſt iacere ſupinum: Cū à circumſtantibus rogaretur, lenabat, & in oſculum admifit. Rex autem Bohemia tū ab æmulo, quem ei Philippus obiecit, extenuatus eſt, vt vix illi dimidiam regni reliquerit.

CAPVT XVIII.

DVmea in concertatione regum pro ſumma Romanī Imperij gererentur, non defuerunt Nordalbingia noſtra labores. Nam dum Otto Brandenburgēſis marchio, quaſdam Swandalia regi Danorū ſubiecta partes inuaderet, quod in Dania & Swandalia ſcripſimus, Adolphus Holſatia comes, Ottonis quondam poterat partes adiuuabat: quae res regem Dania

Kanu-

Kanutum in comitem vehementer exasperabat. Erat
tum annus primus post mille ducentos, cum rex in Adol-
phum duceret: Nec impiger ille, ad Eidoram fluuium,
collectis armis, regem demoratur: Aderant illi auxilia-
res: Otto marchio de Brandenburgo, Hartwicus Bre-
mensis archiepiscopus, Simon de Tekeneborg, Bernhar-
dus de Swelpe, Mauricius de Oldenborg comites: Hos
copiosè commeatibus abunde q³ aluit, multis mirantibus,
vnde tantis sufficeret exercitibus: Diremit Eidora di-
uersos hinc atque inde exercitus, nec alter ad alterum
transibat. Prior rex vbi vidit copias hostiles tam multi-
plices, sciens neque diu, neque crebrius tantum conflag-
ri posse exercitum, suum agmen reduxit. Quo tempore
comes cepit veterem Reinoldesborg arcem renouare,
que porta terra sua esset in Danos, & vicissim in se Da-
norum: Sed vix illam benè communièrat, cum rex vère
primo, ingenti rursus agmine adest. Comes autem cum
suis viribus impar esset, nec tempus contrahendarū ali-
unde virium daretur, quibus potuit pacis conditionibus
tum se redemit: arcem dictam, vt erat, regi consigna-
uit: & perinde pacem est mercatus. Rex acceptā quan-
tis potuit munitionibus firmavit, iam clauem tenens in
Nordalbingiam, quoties ingredi voluit: Sed aliò inte-
rim versus Adolphus cum equiuoco suo Adolpho de Das-
le, arcem Louenborg cepit obsidere: edificato in aduer-
sum presidio Haddenberge, vt fame expugnarèt, quam
armis & viribus non poterant: Nam aquis vsus fluminis
Albis, naues ex Hamburgo submisit, quæ & machinas
oppugnantibus, & commeatus importarent, hostibus ea-
rum rerum commoditatem adimerent. Henricus Pala-
tinus Rheni, Ottone fratre iam maioribus bellis implici-
to, tutari arcem cupiebat, nec poterat. Ceperunt obse-
-

de deditioe verba facere: Misere tamen clanculo ad regem Danorum, illi arcem offerentes: Ille Rodolphum misit quendam ex Holsatis, qui ad se confugerat, virum armis validum, qui regis nomine acciperet, polliceturq, regem de proximo venturum: Sed priusquam ille regi mandata perferret, cepere obsidentes. Quares regem acrius in Adolphum inflammavit. Indè comes accepta arce, in gratiam tamen Palatini peruenit, solutis illi septingentis marchis, & inuestiuit eum Palatinus depatrimonio suo, quod ad Albim habuit: Gamme vocat vsq, in hodiernum diem. Quo tempore facta est illa Scandalorum in comitem de Dasle expeditio, in qua Nielotus princeps ipse occubuit, quam in Scandalia exposuimus: Indè repetatur à volentibus intelligere.

CAPVT XIX.

Accesit illo quoque tempore alia regis Daniae in Adolphum indignatio, quod ille Thietmarsiam quæ sæpe mutauit dominos, tum verò Danis per Scaldemarum, vt diximus, episcopum Slesuicensem paruit, intrauit, & euastauit. Quo etiam tempore, non satis opportunè propter malitiam dierum, idem Adolphus in suos Holsatos versus, eos ere multauit, nonnullos terra expulit, semina renouans veteris inimicitia, quod Henrici Leonis tempore comitem deseruissent: Pulsi, ad regem Daniae se contulerunt: inflammâruntq, iam ardentem, vt comitem insequeretur. Habuere hi quoq, in Holsatia, quæ amicorum iniuriam taciti dolerent, ultionem meditati, si quando se fortuna aperiret. Hoc in rerum statu Scaldemarus Slesuici dux, qui Holsatos ad regem & se confugientes, in agmine duceret, mouit in Holsatiam. Adolphus impiger occurrit venienti: sed par esse non potuit hosti, quod Holsati, qui cum eo stare videbantur,